

Чалқанча ётиш

21:10 / 25.04.2016 7343

Ассалому алайкум! Устоз, чалқанча ётиш қандоқ бўлади?

ЖАВОБ: Бисмиллаҳир Роҳманир Роҳийм.

ЧАЛҚАНЧА ЁТИШ

Уббод ибн Тамиймдан, у амакиси (Абдуллоҳ ибн Зайд ибн Осим ал-Мозаний)дан ривоят қилинади:

«Ул зотни кўрдим», – деган эди, мен Уяйна-га:

«Набий соллаллоҳу алайҳи васалламни-ми?» – дедим. У:

«Ҳа, чалқанча тушиб, бир оёқларини ик-кинчиси устига қўйиб ётганларини», деди».

Демак, чалқанча тушиб ётиш жоиз бўлиб, бу иш Расулуллоҳ соллаллоҳу алайҳи васалламдан собит бўлган экан. Бундай ҳолда ётишни манъ қилган ри-воятларда аврат очилиб қолиши эҳтимоли кўзда тутилганлигини уламоларимиз алоҳида таъкидла-ганлар.

Умму Бакр бинти ал-Мисвордан, у отаси-дан ривоят қилинади:

«Мен Абдурроҳман ибн Авфнинг бир оёғини иккинчиси устига қўйиб, чалқанча ёт-ганини кўрдим».

Абдурроҳман ибн Авф Расулуллоҳ соллаллоҳу алайҳи васалламга бардавом ҳамсуҳбат бўлган улуғ саҳобалардан ҳисобланадилар. Шундай улуғ зотлар нима иш қилган бўлсалар ҳам буни албатта Расулуллоҳ соллаллоҳу алайҳи васалламдан кўрган бўладилар. Валлоҳу аълам.